

ANALIZA UČINKA - TRANSFER ZA NEPROFITNE ORGANIZACIJE – KULTURNA DRUŠTVA U 2023. GODINI

Sukladno odlukama Vlade Federacije Bosne i Hercegovine o odobravanju izdvajanja sredstava utvrđenih Proračunom Federacije Bosne i Hercegovine za 2023. godinu, financirali su se programi i projekti kulturnih društava „Napredak“, „Preporod“, „Prosvjeta“ i „La Benevolencija“ kako slijedi:

NAZIV	PROGRAM	IZNOS
Hrvatsko kulturno društvo „Napredak“ Sarajevo	Programi i projekti HKD Napredak za 2023. godinu.	340.000,00 KM
Bošnjačka zajednica kulture „Preporod“ u Bosni i Hercegovini	Programi iz oblasti kulture i kulturni rad i djelovanje Bošnjačke zajednice kulture „Preporod“ u 2023. godini	500.000,00 KM
Srpsko prosvjetno i kulturno društvo „Prosvjeta“ Sarajevo	Očuvanje i razvoj kulture Srba u Federaciji Bosne i Hercegovine u 2023. godini	150.000,00 KM
Humanitarna organizacija Jevrejsko kulturno-prosvjetno humanitarno društvo „La Benevolencija“	Program kulturnih djelatnosti društva „La Benevolencija“ u 2023. godini.	60.000,00 KM

S obzirom na to da se putem Transfera za neprofitne organizacije – kulturna društva sufinansiraju programske aktivnosti kao i sam rad i djelovanje svakog pojedinog društva za cijelu kalendarsku godinu, Sektor za kulturno-povijesno naslijeđe i kulturu je tokom cijele godine pratio realizaciju programskih aktivnosti aktivnosti putem obavještenja koja su društva dostavljala, pozivnica za događaje i putem praćenja aktivnosti društava na online platformama. Kulturna društva su također prilikom izvještavanja dostavila tomove, knjige, publikacije, brošure, godišnjake i brojne druge dokaze o realiziranim aktivnostima u toku 2023. godine.


Kulturna društva su uvažila ugovorene obveze te opravdala namjenski utrošak sredstava za programe u 2023. godini.

Ostvareni učinak: Olakšan i obogaćen program rada nacionalnih kulturnih društava

Preporuka: Uspostaviti adekvatniji mehanizam izvještavanja o realizaciji aktivnosti dostavljanjem narativnih i finansijskih izvještaja najmanje dva puta godišnje.

Sarajevo, 27. 3. 2024.

Pripremila: Sanja Arnautović



ANALIZA UČINKA
TEKUĆI TRANSFER POJEDINCIMA – TRANSFER ZA POTPORU MOBILNOSTI
UMJETNIKA/CA

Preraspodjelom sredstava te sukladno Odluci o izmjenama Odluke o usvajanju Programa utroška sredstava sa kriterijima raspodjele sredstava tekućih transfera utvrđenih Proračunom Federacije Bosne i Hercegovine za 2023. godinu Federalnom ministarstvu kulture i športa umanjena su sredstva za Transfera za potporu mobilnosti umjetnika/ca i utvrđen je iznos od 20.000,00KM.

Po Javnom pozivu potporu mogu ostvariti punoljetni umjetnici, državljani Bosne i Hercegovine s prebivalištem u Federaciji Bosne i Hercegovine. Potpora je predviđena za projekte mobilnosti umjetnika kroz sljedeće oblasti: - likovna umjetnost (arhitektura, skulptura, slikarstvo, primijenjene umjetnosti), - književnost, - glazba, - kazališna i scenska umjetnost, - ples, - strip, - fotografija.

Sredstva su dodijeljena fizičkim osobama za realizaciju projekata iz navedene umjetničke oblasti, isključivo za troškove smještaja, kotizacije i prijevoza.

Na temelju Javnog poziva za odabir programa i projekata koji će se sufinancirati iz Proračuna Federacije Bosne i Hercegovine u 2023. godini, putem Transfera za potporu mobilnosti umjetnika/ca za sufinansiranje je odobreno ukupno **10 projekata**.

Analiza učinka:

Cilj ovog transfera je obogaćivanje kulturne scene i dostupnost umjetničkih sadržaja u manje razvijenim sredinama i osnaživanje regionalne zastupljenosti u BiH i izvan nje.

Umjetnici koji su dobili finansijsku potporu predstavili su se u Bosni i Hercegovini, regionu i svijetu.


Umjetnik Ernesto Markota imao samostalnu izložbu u Kulturno - informativnom centru Tomislavgrad.

Umjetnik Amir Softić je u Beogradu promovisao zbirku poezije *Zbornik nade* u Kući Đure Jakšića.

Mlada umjetnica Aida Rešidbegović je u Njujorku kao drugoplasirana i osvajačica srebrene medalje na Međunarodnom muzičkom takmičenju nastupila u Carnegie Hallu u Njujorku.

Svi podržani umjetnici su dostavili finansijske izvještaje u skladu sa dodjeljenim sredstvima.

Podržani umjetnici su finansijska izvješća dostavili u roku.



Tidža Mekić



ANALIZA UČINKA - TRANSFER ZA OBNOVU KULTURNOG I GRADITELJSKOG NASLIJEĐA U 2023. GODINI

Sukladno Odluci o usvajanju Programa utroška sredstava sa kriterijima raspodjele sredstava tekućih transfera utvrđenih Proračunom Federacije Bosne i Hercegovine za 2023. godinu, Transfer za obnovu kulturnog i graditeljskog naslijeđa je raspolagao sredstvima u ukupnom iznosu od 720.000,00 KM za sufinansiranje programa i projekata po točkama:

1. Izrada projekata i izvođenje radova za zaštitu javnih objekata kulture koji imaju status nacionalnog spomenika u iznosu od: 488.000,00 KM;

2. Izrada projekata i izvođenje radova za zaštitu stambenih objekata kulture koji imaju status nacionalnog spomenika u iznosu od: 60.000,00 KM;

3. Izrada projekata zaštite nekropola sa stećcima i izvođenje radova za zaštitu arheoloških nalazišta značajne kulturne baštine u iznosu od: 40.000,00 KM;

4. Program međunarodne suradnje i organizacija manifestacije "Dani europskog naslijeđa" u iznosu od 70.000,00 KM

5. Interventna sredstva za provođenje hitnih mjera zaštite i završetka započetih i ugovorenih radova u iznosu od 62.000,00 KM.

U okviru ovog Transfera podržani su pravni subjekti, organizacije i drugi nositelji projekata očuvanja kulturno- povijesnog naslijeđa i fizička lica koji su vlasnici objekata koji imaju status nacionalnih spomenika. Projekti/programi su se uglavnom odnosili na rekonstrukcije, restauracije i revitalizacije objekata koji imaju status nacionalnog spomenika ili na izradu projektne dokumentacije za zaštitu objekta koji ima status nacionalnog spomenka. Ukupno za ovaj Transfer odobreno **69** projekata/programa za izvođenje radova na zaštiti objekata.

Prilikom raspodjele sredstava Transfer za obnovu kulturnog i graditeljskog naslijeđa osnovni kriteriji su bili: kvalitet kandidiranog projekta-prednost projektima koji su već završili jednu ili više faza obnove da bi se projekat doveo do kraja ; ravnomjerna regionalna/ županijska zastupljenost aplikantata i osigurano sufinansiranje od strane drugih izvora.

Sukladno tome u okviru predviđenog iznosa za ovaj Transfer podržana je rekonstrukcija i revitalizacija **23** sakralna objekta, **14** objekata starih gradova, **12** nekropola sa stećcima, **6** stambenih objekata i **7** javnih objekata kulture sa statusom nacionalnog spomenika.

Od ovog broja dodijeljena su sredstva za **7** korisnika za Izrada projektne dokumentacije za sanaciju objekata iz tačke 1. Izrada projekata i izvođenje radova za zaštitu javnih objekata kulture I **3** projekta za izradu projektne dokumentacije za zaštitu stambenih objekat. (ostalih **59** projekata činili su sanaciju I rekonstrukciju objekata i radove na zaštiti)

Vodilo se računa i o regionalnoj zastupljenosti korisnika i sukladno tome podržani su projekti iz Hercegovačko-neretvanskog kantona, Zapadnohercegovačkog, Kantona Sarajevo, Kantona 10, Srednjobosanskog, Unsko-sanskog, Tuzlanskog i Zeničkog kantona. (ukupno **8** kantona

- Od ukupnog broja realiziranih projekata **2 korisnika** su izvršila povrat sredstava u cjelosti u ukupnom iznosu od 15.000,00 KM.

Br.	Naziv korisnika	Naziv projekta	Iznos odobrenih sredstava	Povrat sredstava
1.	Općina Ilijaš	Revitalizacija historijskog područja Stari grad Dubrovnik - Južna kula	10.000,00	10.000,00
2.	Grad Gradačac	Sanacija dijela bedema na Starom gradu Gradačcu	5.000,00	5.000,00
			UKUPNO	15.000,00

Razlozi zbog kojih su korisnici vršili povrat sredstava odnose se na kašnjenje uplata sredstava za odobrene projekte, nemogućnost odobravanja prenamjene projekata i odobravanja promjene termina za realizaciju projekta od strane Ministarstva.

- Od ukupnog broja korisnika realiziranih projekata, finansijsko izvješće u roku je dostavilo **28 korisnika**.
- Korisnici koji su prema članku 4. potpisanih Ugovora tražili produženje roka za slanje izvješća do 30.06.2024.godine: **34 korisnika**,
- Korisnici koji nisu dostavili izvješća u roku i kojima je upućena Opomena pred raskid ugovora: **2 korisnika** (Srpska pravoslavna crkvena opština u Blažuju, Ilidža i Srpska pravoslavna crkvena opština u Sarajevu - Saborna crkva). Nakon primljene Opomene su dostavili izvješća.

Ostvaren učinak: U cilju uspješnije realizacije projekata sanacije, predlažemo raniju uplatu sredstava korisnicima, koji bi na taj način bolje iskoristili građevinsku sezonu i ne bi imali potrebu tražiti produženje rokova za realizaciju. Time bi učinak uspješnosti realizacije projekata sanacije i obnove bio mnogo veći, a što sada čini oko 50 % u realizaciji Transfera za obnovu kulturnog i graditeljskog naslijeđa.

Sarajevo, 26. 3. 2024.

Pripremila: Berisa Mehović

ANALIZA UČINKA TRANSFERA ZA KULTURU OD ZNAČAJA ZA FEDERACIJU BIH

U skladu sa Odlukom o usvajanju Programa utroška sredstava sa kriterijima raspodjele sredstava tekućih transfera utvrđenih Proračunom Federacije Bosne i Hercegovine za 2023. godinu i Izmenom Odluke o usvajanju o Programu utroška sredstava sa kriterijima raspodjele sredstava tekućih transfera („Službene novine Federacije BiH“ br. 18/23 i 94/23) Transfer za kulturu od značaja za Federaciju je raspolagao sredstvima u ukupnom iznosu od 1.480.000,00 KM za sufinansiranje programa i projekata u oblasti kulture.

Na osnovu Javnog poziva za odabir programa i projekata koji je sufinansiran iz Budžeta Federacije Bosne i Hercegovine u 2023. godini, putem *Transfera za kulturu od značaja za Federaciju tačka 1. Manifestacije, programii projekti kulture od internacionalnog značaja za BiH i Federaciju BiH* raspolagao je u ukupnom iznosu od 680.000,00KM a podržano je ukupno 108 projekata.

Analiza učinka :

- Tačka 1. *Manifestacije, programii projekti kulture od internacionalnog značaja za BiH i Federaciju BiH*

Federalno ministarstvo kulture i sporta je podržalo 108 projekata koji imaju za cilj razvoj kulture i umjetnosti na internacionalnom nivou kao i saradnju sa drugim sličnim udrugama i organizacijama na međunarodnom nivou.

U oblasti muzičke djelatnosti podržano i realizirano je 10 projekata, u oblasti likovne djelatnosti 6 projekata, 23 projekata su mješovitog umjetničkog sadržaja i pretežno se odnose na manifestacije i festivale koje aktivnostima afirmiraju bh. kulturu u svim segmentima, 2 projekta ples, 2 projekta nakladništvo, 9 projekata oblast filma, 1 projekt animacija, 2 projekta balet, 11 projekata baština, 1 projekt biblioteka djelatnost. 13 projekata međunarodni festivali, 11 kazališnih projekata.

Sektor za kulturno-povijesno naslijeđe i kulturu također tijekom cijele godine prati realizaciju projekata putem online platformi i zaključuje da su projekti većim dijelom uspješno realizirani.

Federalno ministarstvo kulture i sporta godinama već u kontinuitetu daje finansijsku podršku za internacionalne festivale kao što su: MES, Sarajevo film festival i JAZZ FEST. Njihovo uspješno prezentovanje kulture u širem smislu te riječi je dokaz da se pravilnim odabirom ovakvih korisnika postiže dugoročna strategija poboljšanja i jačanja svih segmenta kulture, što i jeste cilj Federalnog ministarstva kulture i sporta. Naravno treba naglasiti da Ministarstvo koordinirano prati i prisustvuje ovim festivalima.

Uvidom na terenu Sektora za kulturno historijsko naslijeđe i kulturu u sklopu Akcionog plana obuhvaćeno je 4 korisnika:

1. Fondacija Mak Dizdar projekat projekat Organizacija kulturnih događaja u Makovoj hiži
2. Udruga građana: Hrvatsko kulturno umjetničko društvo Seljačka sloga Trebižat projekat Medunarodni festival klapa "Trebižat-2023.
3. Udruga Turistička organizacija Čapljinka 24. Medunarodni ljetni karneval Čapljina 2023
4. Pozorište lutaka u Mostaru sa potpunom odgovornošću Mostar projekat Pomoć produkciji Pozorišta lutaka u Mostaru

Uvidom u finansijsku dokumentaciju na terenu ustanovljeno je da su svi korisnici namjenski utrošili dodijeljena sredstva te da su sve mjere učinka ispoštovane.

Od ukupnog broja realiziranih projekata **2 korisnika** su izvršila djelimično povrat sredstava, **1 korisnik** za koje se očekuje povrat sredstava u cijelosti u ukupnom iznosu od 7.000,00 KM (poslana instrukcija za povrat sredstava).

Naziv korisnika	Naziv projekta	Iznos odobrenih sredstava	Povrat sredstava
Muzički Centar "Pavarotti" Mostar	4. Mix Art Festiva	4.000,00	704,16
Hrvatsko kulturno umjetničko društvo "fra Jozo Križić", Tomislavgrad	Medunarodni sajam rukotvorina	3.000,00	1.300
"Kameni teatar 55" Sarajevo	"Veče tradicionalne igre u Bosanskom Grahovu"	7.000,00	Upućena instrukcija za povrat sredstava
		UKUPNO	2.016,00

Razlozi zbog kojih su korisnici vršili povrat sredstava odnose se na kašnjenje uplata sredstava za odobrene projekte, nemogućnost odobravanja prenamjene utvrđenih pozicija za sufinansiranje i nemogućnost odobravanja promjene termina za realizaciju projekta od strane Ministarstva.

Od ukupnog broja korisnika realiziranih projekata, finansijsko izvješće je dotvailo 9 korisnika van roka nakon upućene opomene.

Jedna od veoma bitno uočenih stavki je da se insistira da aplikanti finansijska pravdanja dostavljaju Ministarstvu isključivo u roku od 15 dana nakon realizacije predmetnog projekta, što će u mnogome olakšati nadzor nad namjenskim utroškom dodjeljenih sredstava korisnicima.

Tidža Mekić

ANALIZA UČINKA - TRANSFER ZA KULTURU OD ZNAČAJA ZA FEDERACIJU BiH U 2023. GODINI

Manifestacije, programi i projekti kulture od posebnog značaja za Federaciju BiH, raspoloživa sredstva: 749.500,00 KM

- Na temelju Javnog poziva za odabir programa i projekata koji se sufinancirao iz Proračuna Federacije Bosne i Hercegovine u 2023. godini, putem Transfera za kulturu od značaja za Federaciju BiH za tačku 2. *Manifestacije, programi i projekti kulture od posebnog značaja za Federaciju BiH*, podržano je **189 projekata**.

U oblasti muzičke djelatnosti podržano i realizirano je 30 projekata, u oblasti likovne djelatnosti 17 projekata, 32 projekta podržana su za razvoj i prezentaciju kulturno-umjetničkog stvaralaštva, za književnu djelatnost 20 projekata, 19 podržanih projekata odnose se na vjerske manifestacije i obilježavanja, za oblast dramskog stvaralaštva podržano je 10 projekata, 9 projekata obuhvata dječije stvaralaštvo, 4 projekta odnose se na podršku projektima nacionalnih manjina a 2 projekta za osobe sa poteškoćama u razvoju i invaliditetom a 46 projekata su mješovitog umjetničkog sadržaja i pretežno se odnose na manifestacije i festivale koje aktivnostima afirmiraju bh. kulturu u svim segmentima.

- Sektor za kulturno-povijesno naslijeđe i kulturu je tijekom predmetne godine vršio kontrolu realizacije projekata prisustvovanjem djelatnika Sektora na manifestacijama, festivalima i drugim projektima koji su financijski podržani putem Transfera za kulturu od značaja za Federaciju BiH sa tačke 2.

U nastavku navedena prisustva realizaciji projekata:

- Udruženje "Urban-Etno": "Bosanska baština i moda" Ciklus "Secesija VIII",
- Javna ustanova "Sarajevska filharmonija": Novogodišnji koncert Sarajevske filharmonije,
- Udruženje za internacionalni razvoj muzike, teatra i multimedije: "Muzički teatar-Oliver".

Projekti čijoj su realizaciji prisustvovali djelatnici Sektora provedeni su u skladu s predviđenim aktivnostima, ciljevima, brojem direktnih i indirektnih sudionika i okarakterizirani su kao uspješni.

S obzirom na to da je putem tačke 2. Transfera za kulturu od značaja za FBiH podržan veliki broj projekata, Sektor za kulturno-povijesno naslijeđe i kulturu također tijekom cijele godine prati realizaciju projekata putem online platformi i zaključuje da su projekti većim dijelom uspješno realizirani. Poteškoću prilikom praćenja realizacije predstavljaju u najvećem dijelu kulturno umjetnička društva koja ili nemaju službenu web stranicu ili imaju manjak ili nikako sadržaja putem društvenih mreža.

- U cilju kontrole namjenskog utroška sredstva za projekte podržane putem Transfera za kulturu od značaja za Federaciju BiH u 2023. godini i praćenja realizacije projekata, Sektor za kulturno-povijesno naslijeđe i kulturu obavio je obilazak pojedinih korisnika. Tom prilikom je ustanovljeno da su korisnici uspješno realizirali projekte i namjenski utrošili doznačena sredstva.

Korisnici kod kojih je obavljena kontrola realizacije projekta i izvršena kontrola namjenskog utroška sredstava:

KORISNIK	PROJEKAT	MJESTO	DATUM	DJELATNIK
Udruga "Volim Vitez"	Dani biskupa Garića 2023	Vitez	28.12.2023.	Marko Frančešević
Srpsko prosvjetno i kulturno društvo Prosvjeta-Gradski odbor Mostar	104. Šantićeve večeri poezije u Mostaru	Mostar	22.12.2023.	Berisa Mehović

- Od ukupnog broja realiziranih projekata **2 korisnika** su izvršila povrat sredstava u cjelosti u ukupnom iznosu od 7.000,00 KM, **2 korisnika** za koje se očekuje povrat sredstava u cjelosti u ukupnom iznosu od 16.000,00 KM (poslana instrukcija za povrat sredstava) a djelimičan povrat sredstava izvršilo je **2 korisnika** u ukupnom iznosu od 1.000,00 KM.

Br.	Naziv korisnika	Naziv projekta	Iznos odobrenih sredstava	Povrat sredstava
1.	Udruženje Kultura Media, Sarajevo	Think Freedom	2.000,00	2.000,00
2.	Hrvatsko kulturno umjetničko društvo "Sarajlije" Tomislavgrad	Medunarodni sajam rukotvorina	5.000,00	5.000,00
3.	Kulturno-umjetničko društvo "Grahovo", Bosansko Grahovo	"Veče tradicionalne igre u Bosanskom Grahovu"	9.000,00	Upućena instrukcija za povrat sredstava
4.	Osnovna glazbena škola Brotnjo u Čitluku	XXV. Federalno natjecanje učenika i studenata glazbe-Čitluk 2023.	8.000,00	500,00
5.	Udruženje Hor duhovne muzike i sevdaha "GAZIJA" Bužim	III Multikulturalni koncert Bužim 2023.	4.000,00	500,00
			UKUPNO	8.000,00

Razlozi zbog kojih su korisnici vršili povrat sredstava odnose se na kašnjenje uplata sredstava za odobrene projekte, nemogućnost odobravanja prenamjene utvrđenih pozicija za sufinansiranje i nemogućnost odobravanja promjene termina za realizaciju projekta od strane Ministarstva.

- Od ukupnog broja korisnika realiziranih projekata, finansijsko izvješće **1 korisnika** je u procesu obrade, **14 korisnika** je dostavilo izvješće van predviđenog roka a **1 korisniku** nije prihvaćeno izvješće.

Ostvaren učinak: Uspješno podržani projekti s ciljem unaprjeđenja kulturnog i umjetničkog stvaralaštva od značaja za Federaciju Bosne i Hercegovine i internacionalnog značaja.

Preporuka: Uspostaviti mehanizam blagovremenog pravdanja sredstava od strane korisnika (15 dana od realizacije projekta) sa razrađenim narativnim obrazloženjem i postignutim rezultatima.

Sarajevo, 25. 3. 2024.

Pripremila: Sanja Arnautović


ANALIZA UČINKA - TRANSFER ZA INSTITUCIJE NAUKE I KULTURE OD ZNAČAJA ZA BIH U 2023. GODINI

Sukladno Odluci o usvajanju Programa utroška sredstava sa kriterijima raspodjele sredstava tekućih transfera utvrđenih Proračunom Federacije Bosne i Hercegovine za 2023. godinu, Transfer za institucije znanosti i kulture od značaja za Bosnu i Hercegovinu je raspolagao sredstvima u ukupnom iznosu od 950.000,00 KM za sufinansiranje programa i projekata po tačkama:

1. Potpora institucijama od značaja za BiH i Federaciju BiH u iznosu od: 900.000,00 KM;
2. Potpora programskim aktivnostima sveučilišta, raspoloživa sredstva: 50.000,00 KM;

U okviru ovog Transfera podržano je 29 korisnika odnosno kulturnih institucija, od čega su 8 muzeji, 4 centra za kulturu, 2 umjetničke galerije, 5 pozorišta/kazališta, 2 biblioteke, 1 arhiv, 1 kinoteka, 2 Akademije nauka i umjetnosti, Muzička akademija i Institut za historiju. Podržano je 29 projekata kojima se dala potpora radu i unapređenju programskih aktivnosti u redovnom poslovanju ovih značajnih institucija nauke i kulture. Prilikom raspodjele sredstava Transfera za institucije znanosti i kulture od značaja za Bosnu i Hercegovinu vodilo se računa i o regionalnoj zastupljenosti korisnika i sukladno tome podržani su projekti institucija nauke i kulture iz Sarajeva, Zenice, Mostara, Bihaća, Orašja, livna, Tuzle, Jajca, Zavidovića, Jablanice, Bosanske Krupe i Tomislavgrada.

U cilju kontrole namjenskog utroška sredstva za projekte podržane putem Transfera za institucije znanosti i kulture od značaja za Bosnu i Hercegovinu u 2023. godini i praćenja realizacije projekata, Sektor za kulturno-povijesno naslijeđe i kulturu obavio je obilazak pojedinih korisnika. Tom prilikom je ustanovljeno da su korisnici uspješno realizirali projekte i namjenski utrošili doznačena sredstva.

Korisnici kod kojih je obavljena kontrola realizacije projekta i izvršena kontrola namjenskog utroška sredstava:

KORISNIK	PROJEKAT	MJESTO	DATUM	DJELATNIK
JU "Bosansko narodno pozorište" Zenica	Program rada JU Bosansko narodno pozorište Zenica u 2023. godini	Zenica	28.12.2023.	Marko Frančešević

Javna ustanova "Narodno pozorište u Mostaru", Mostar	Realizacija programa rada tokom 2023.godine	Mostar	22.12.2023.	Berisa Mehović
--	---	--------	-------------	----------------

Od ukupnog broja korisnika realiziranih projekata, **27 korisnika** je dostavilo izvješće u predviđenom roku a **2 korisniku** van predviđenog roka, kojima su upućene Opomene pred raskid ugovora. Nakon zaprimljenih Opomena korisnici su dostavili izvješće: (JU Sarajevski ratni teatar "SARTR" Sarajevo i Privatna ustanova "Bosanski Muzej Sjećanja").

Ostvaren učinak: *Uspješno podržani projekti s ciljem unaprjeđenja programskih aktivnosti u redovnom poslovanju i radu institucija znanosti i kulture od značaja za Bosnu i Hercegovinu i Federaciju BiH.*

Sarajevo, 26. 3. 2024.

Pripremila: Berisa Mehović

**ANALIZA UČINKA DODJELE SREDSTAVA SUBVENCIIJA –
SUFINANCIRANJE RADA JP FILMSKI CENTAR SARAJEVO ZA OČUVANJE I
ZAŠTITU FILMSKE GRAĐE**

Temeljem Odluke Vlade Federacije BiH od 13. 9. 2023. godine o usvajanju Programa utroška sredstava s kriterijima raspodjele sredstava „Subvencije javnim poduzećima – sufinanciranje rada JP Filmski Centar Sarajevo za očuvanje i zaštitu filmske građe Federalno ministarstvo kulture i športa je ugovorom o bespovratnim sredstvima dodijelilo sredstva JP Filmski Centar Sarajevo u iznosu od **200.000,00 KM**.

Sukladno pomenutoj Odluci JP Filmski Centar Sarajevo je dostavio aplikacijski zahtjev kojim je ispunio opći i posebni kriterij na način da su zatražena sredstva neophodna za očuvanje kontinuiteta rada ovog preduzeća na čuvanju i adekvatnom zbrinjavanju izuzetno važne filmske građe koja je pokretno kulturno dobro Bosne i Hercegovine. Za rad JP Filmski Centar Sarajevo neophodno je osigurati sredstva za plaće i druge naknade uposlenika te sredstva za naknade upravljačkih tijela preduzeća.

JP Filmski Centar Sarajevo je blagovremeno, sukladno potpisanom ugovoru dostavio financijsko izvješće o namjenskom utrošku sredstava, odnosno dokaze da su sredstva utrošena za namjenu koja je navedena u Planu rashoda koji je sastavni dio ugovoru sklopljenog sa ovim korisnikom.

Sufinanciranjem rada JP Filmski centar Sarajevo postignut je cilj stvaranje preduvjeta za očuvanje kontinuiteta rada ovog poduzeća čime je postignut doprinos razvoju kulturnih djelatnosti u FBiH, posebno u oblasti filmskog stvaralaštva.

Sarajevo, 26. 3. 2024.

Mirela Milićević Šečić, pomoćnica ministricе



ANALIZA UČINKA TRANSFERA ZA SPORT OD ZNAČAJA ZA FEDERACIJU

U skladu sa Odlukom o usvajanju Programu utroška sredstava sa kriterijima raspodjele sredstava tekućih transfera utvrđenih Proračunom Federacije Bosne i Hercegovine za 2023. godinu i Izmjenom Odluke o usvajanju o Programu utroška sredstava sa kriterijima raspodjele sredstava tekućih transfera („Službene novine Federacije BiH“ br. 18/23 i 94/23) Transfer za sport od značaja za Federaciju je raspolagao sredstvima u ukupnom iznosu od 3.363.000,00 KM za sufinansiranje programa i projekata u oblasti sporta po tačkama:

Br.	Naziv programa	Svrha programa	Organizacija – primalac	Iznos	Realizacija
1	2	3	4	5	6
1.	Sufinanciranje izgradnje, rekonstrukcije i opremanja sportskih objekata	Potpore izgradnji, rekonstrukciji i opremanju sportskih objekata s ciljem stvaranja preduvjeta za razvoj sporta i rekreacije građana	Sportske organizacije, klubovi, savezi i udruženja i drugi nosioci, odabrani putem javnog poziva	1.400.000,00	1.400.000,00
2.	Djelatnosti sportskih saveza konstituiranih na nivou BiH i FBiH	Potpore aktivnostima sportskih saveza registriranih na nivou BiH i FBiH	Sportski savezi registrirani u Ministarstvu pravde BiH ili Ministarstvu pravde Federacije BiH, odabrani putem javnog poziva	400.000,00	400.000,00
3.	Sufinanciranje sportskih saveza i klubova osoba sa invaliditetom	Potpore u organizaciji sportskih saveza i manifestacija koje doprinose afirmaciji i razvoju sporta kod osoba sa invaliditetom u Federaciji BiH	Sportski savezi, organizacije, klubovi i udruženja odabrani putem javnog poziva	70.000,00	70.000,00
4.	Nagrađivanje sportaša u skladu sa Uredbom o određivanju kriterija za dodjeljivanje nagrade sportistima, sportskim radnicima i sportskim udruženjima iz FBiH za ostvarene sportske rezultate na međunarodnim takmičenjima	Nagrađivanje sportaša za ostvarene sportske rezultate	Sportska udruženja i klubovi	1.125.000,00	1.120.770,00

5.	Sudjelovanje sportaša iz Bosne i Hercegovine na međunarodnim takmičenjima u 2023. godini	Programske aktivnosti i rad Olimpijskog komiteta BiH	Olimpijski komitet BiH	50.000,00	50.000,00
6.	Sunifanciranje programskih aktivnosti Paraolimpijskog komiteta u 2023. godini	Programske aktivnosti i rad Paraolimpijskog komiteta BiH	Paraolimpijski komitet BiH	50.000,00	50.000,00
7.	Interventna sredstva rezerve za projekte i programe u oblasti sporta	Potpore programima i projektima u oblasti sporta	Sportske organizacije, klubovi, savezi i udruženja i drugi nosioci	250.000,00	168.000,00
8.	Klub vodenih sportova „Orka“ Mostar	„Pripreme za nastup Lane Pudar na Olimpijskim igrama Pariz 2024“	Sportski klub	100.000,00	100.000,00
UKUPNO				3.363.000,00	3.358.770,00

Na osnovu Javnog poziva za odabir programa i projekata koji je sufinansiran iz Budžeta Federacije Bosne i Hercegovine u 2023. godini, putem „Transfera za sport od značaja za Federaciju“ podržano je ukupno 191 projekat.

Analiza učinka po tačkama:

- Tačka 1. Sufinanciranje izgradnje, rekonstrukcije i opremanja sportskih objekata.

Federalno ministarstvo kulture i sporta je podržalo 111 projekata s ciljem stvaranja preduvjeta za razvoj sporta i rekreaciju građana.

Rezultati i mjere učinka najbolje se mogu prikazati kroz sljedeće rezultate:

- Opremljeno je 38 sportskih objekata opremom koja je neophodna za treninge i takmičenja u cilju kvalitetnijeg bavljenja sportskim aktivnostima i stvaranju boljih uslova za ostvarivanje vrhinskih sportskih rezultata.
- Rekonstruisano je 12 svlačionica čime su poboljšani uslovi sportistima za bavljenje sportskim aktivnostima.
- Obnovljeno je 6 nogometnih terena, rekonstruisano 5 te izgrađeno 5 tribinina čime su poboljšani uslovi kako za sportiste tako i za gledaoce sportskih takmičenja.
- Rekonstruisano je 5 sala, pružena je podrška sanaciji 5 sportskih objekata čime su stvoreni uslovi za nastavak bavljenja sportskim aktivnostima.
- Pružena je podrška izgradnji stadiona u ruralnim sredinama u cilju razvoja omladinskog sporta i stvaranja mladih talenata.

- Izgrađeno višenamjensko sportsko igralište te multifunkcionalna dvorana čime su stvoreni uslovi za bavljenje različitim sportskim aktivnostima.
- Podržani su projekti izgradnje krova na 2 sportska centra, zamjenjena rasveta na 5 sportskih objekata, saniran sustav grijanja na 2 sportska objekta.
- Nastavljena izgradnja 4 sportska objekta i obnova 2 sportske dvorane s ciljem unapređenja bavljenja sportom, sportskih aktivnostima te organizacijom sportskih takmičenja.

- Tačka 2. Djelatnosti sportskih saveza konstituiranih na nivou BiH i FBiH.

Federalno ministarstvo kulture i sporta je podržalo 26 projekata s ciljem podrške aktivnostima sportskih saveza te učešća na međunarodnim takmičenjima i poticaja za ostvarivanje vrhunskih sportskih rezultata što je imalo za učinak:

- Ispunjenje olimpijske norme sportistkinje Lane Pudar za Olimpijske Igre Pariz 2024.
- Ostvarenje plasmana na Evropsko prvenstvo u učešću na CEV Zlatnoj ligi za žene što je i značajno s gender aspekta.
- Učešće na Evropskom prvenstvu u Veroni Cheerleading savezu Bosne i Hercegovine.
- Organiziranje Prvenstva Federacije BiH Vazduhoplovnog/zrakoplovnog saveza Federacije BiH.
- Nastupe reprezentativnih selekcija i reprezentativaca na međunarodnim takmičenjima te promocija Federacije BiH i Bosne i Hercegovine kako na evropskom tako i na svjetskom nivou.
- Organiziranje ekipnih i pojedinačnih takmičenja.

- Tačka 3. Sufinanciranje sportskih saveza i klubova osoba sa invaliditetom.

Federalno ministarstvo kulture i sporta je podržalo 24 projekta s ciljem učešća i organizacije sportskih manifestacija koje doprinose popularizaciji i razvoju invalidnog sporta kako u Federaciji BiH i Bosni i Hercegovini tako i na međunarodnom nivou.

Rezultati i mjere učinka najbolje se mogu prikazati kroz sljedeće rezultate:

- Pružena je podrška organizaciji tradicionalnih sportskih manifestacija i turnira koje su doprinjele afirmaciji i razvoju sporta kod osoba sa invaliditetom u Federaciji BiH.
- Ispunjena paraolimpijska norma sportiste Ismaila Barlova za OI Pariz 2024.
- Savez sjedeće odbojke Bosne i Hercegovine je osvojio zlatnu medalju na Evropskom prvenstvu u sjedećoj odbojci Caorle 2023 Italija što je veliki doprinos za državu Bosnu i Hercegovinu.
- Omogućen je odlazak na takmičenje Euroleague Italy 2023 kao i učešće na Evropskom klupskom šampionatu 2023. osobama sa invaliditetom.

- Tačka 4. Na osnovu Uredbe o određivanju kriterija za dodjeljivanje nagrada sportistima, sportskim radnicima i sportskim udruženjima iz Federacije Bosne i Hercegovine za ostvarene vrhunske sportske rezultate na međunarodnim takmičenjima.

Na temelju Tačke 4. i Tekuće rezerve Vlade Federacije Bosne i Hercegovine nagrađeno je u toku 2023. godine 179 sportista, 10 ekipa i 22 selektora/trenera. Izvršeno je nagrađivanje sportista za ostvarene sportske rezultate.

Realizirano je 99,6% nagrađivanja jer sportisti nije dodijeljena nagrada zbog oduzimanja titule pojedinačnog prvaka Bosne i Hercegovine u judo-u zbog dopinga.

Rezultat dodijeljenih sredstava ogleda se u obezbjeđenju finasijskih sredstava za sve sportiste.

- Tačka 5. i Tačka 6. Programske aktivnosti i rad Olimpijskog i Paraolimpijskog komiteta Bosne i Hercegovine.

Nakon izvršene analize učinka dodijeljenih sredstava Olimpijskom i Paraolimpijskom komitetu BiH ustanovljeno je:

-Kontinuiranom podrškom radu Olimpijskog i Paraolimpijskog komiteta BiH Federalno ministarstvo kulture i sporta je omogućilo učešće sportista na međunarodnim takmičenjima te su realizirane programskih aktivnosti i rad Olimpijskog i Paraolimpijskog komiteta BiH.

- Tačka 7. Interventna sredstva rezerve za projekte i programe u oblasti sporta

Pružena je podrška projektima na temelju hitnosti, nepredviđenosti i specifičnosti programa/projekata u oblasti sporta.

Podržano je ukupno 30 projekata koji su rezultirali postizanju vrhunskih sportskih rezultata i omogućili ostvarivanje minimalnih uvjeta te imali za učinak:

- Omogućen odlazak Elvedine Muzaferije na kvalifikacije za Svjetski kup.

- Rekonstrukciju i adaptaciju prostorija Paraolimpijskog komiteta BiH čime su stvoreni bolji uslovi za rad Paraolimpijskog komiteta BiH.

- Osvajanje zlatne medalje Emine Sipović u kategoriji mlađih seniorki U21, srebrene medalje Ajle Sipović u kategoriji juniorki i bronzane medalje Nejre Sipović u kategoriji mlađih seniorki U21 na 51. Evropskom prvenstvu za kadete, juniore i U21 u Gruziji što je veliki uspjeh za Bosnu i Hercegovinu i jedinstven slučaj u svijetu da tri sestre osvoje medalje na tako velikom takmičenju.

- Učešće na Svjetskom para atletskom prvenstvu Pariz 2023 i odlazak na Svjetsko prvenstvo u parastreljaštvu u Lima – Peru čime je pružena podrška invalidnom sportu.

- Pružena podrška organiziranju Davis Cupa - kvalifikacijskog meča prve svjetske grupe Bosna i Hercegovina – Njemačka

- Omogućen odlazak Ivane Mikić na Svjetsko juniorsko prvenstvo u Meksiko i odlazak Ismeta i Ade Mešića na Svjetsko kadetsko prvenstvo u šahu u Italiju.

Za sva dodijeljena interventna sredstva je dostavljen dokaz o hitnosti za podršku i učinke realizacije zahtjeva što je primjer dobre prakse i dinamičnog praćenja učinka.

Uvidom na terenu Sektora za sport u sklopu Akcionog plana obuhvaćeno je 6 korisnika:

- Udruga "Mala škola juda" Mostar, projekat „Opremanje i uređenje klupskih prostorija“;
- Udruženje Sportskih ribolovaca "Sarajevo 1906", projekat „Izgradnja i rekonstrukcija sportsko-rekreacione i takmičarske staze u Dobroševićima“;
- Nogometni klub "Stup", projekat „Izgradnja svlačionica i klupskih prostorija NK"Stup“;
- Judo klub "Borsa" Mostar, projekat „Obnova dvorane nakon požara 4.faza“;
- Hrvatski športski klub "Zrinjski" Mostar, projekat „Potpuna rekonstrukcija svlačionica“;
- Nogometni klub Ozren Semizovac, projekat „Uređenje i opremanje klupskih prostorija i stadiona“;
- Fudbalski klub Sarajevo, projekat „Faza II TC Sarajevo - projekta izgradnje dodatnih kapaciteta svlačionica, tribina te nadogradnja postojećih i ostalih sadržaja za potrebe razvoja Akademije FK Sarajevo“.

Uvidom u finansijsku dokumentaciju na terenu ustanovljeno je da su svi korisnici namjenski utrošili dodijeljena sredstva te da su sve mjere učinka ispoštovane.

Tabela realizacije projekata Trasfera za sport od značaja za Federaciju:

Broj realiziranih/opravljenih projekata	Projekti u toku	Nije dostavljen izvještaj	Ukupno
148	41	2 (sredstva nisu još uplaćena korisnicima)	
			191

Zaključak:

Sektor za sport će dodatno raditi na unaprijeđenju kriterija i kvalitetu mjerljivosti za vrijednovanje ishoda projekta, unaprijedit će i praćenje učinka projekta kako za učesnike i organizatore tokom i nakon završetka implementacije projekta tako i na građane te raditi na pregledu i procjeni učinka, ocjenjivanju uspješnosti projekta na lokalnom, regionalnom ili međunarodnom nivou s ciljem afirmacije sporta i sportskih aktivnosti, kvalitetnijeg bavljenja sportom, tjelesnom aktivnošću, promicanju socijalne uključenosti kroz sport, rodnoj ravnopravnosti, promicanju pozitivnih vrijednosti kroz sport i ostvarivanju vrhunskih sportskih rezultata.

Treba uvesti nužnost dostavljanja akcijskog plana realizacije aktivnosti s dokumentima kako bi se učinak aktivnosti mogao neposredno pratiti.

POMOĆNIK MINISTRICE


Adnan Džindo

Broj: INT-05-INT-39/24
Sarajevo, 22.03.2024. godine

INTERNO

KABINET MINISTRICE
N/r ministrici Sanji Vlasisavljević,

Predmet: Analiza uticaja i rezultati dodijeljenih sredstava iz Transfera za mlade.

Poštovana ministrice Vlasisavljević,

Shodno Vašem email-u od 19.03.2024. godine, u kome tražite da se realizira jedan od zahtijeva Revizije učinka, Sektor za mlade dostavlja Vam Analizu uticaja i rezultate dodijeljenih sredstava za Transfer za mlade.

Transfer za mlade realizira se u okviru programa " *Poticati natalitet i zaštitu porodica sa djecom i poboljšanje položaja mladih*" utvrđenog u Strategiji razvoja Federacije BiH 2022-2027. godine. Utvrđena su dva indikatora za navedeni program: *Podrška realizaciji programa mladih* i *Razvoj i afirmacija programskih aktivnosti mladih*, a planirane su četiri aktivnosti.

S ciljem realizacije navedenog programa, Federalno ministarstvo je kroz Odluku o programu utroška sredstava – Transfer za mlade, u ukupnom iznosu od 400.000 KM, strukturiralo kroz četiri tačke:

1. Podrška projektima istraživanja, formiranja, promovisanja i realizacije politika prema mladima u Federaciji BiH u iznosu od 290.000 KM;
2. Podrška radu Vijeća mladih u FBiH u iznosu od 30.000 KM;
3. Strategija za mlade u iznosu od 40.000 KM; i
4. Interventna sredstva u iznosu od 40.000 KM.

Tačka 1. realizirana je putem javnog poziva i 64 udruženja dobila su podršku s tim da jedan korisnik nije potpisao ugovor, tako da je ova tačka realizirana na nivou od 99,3% ili sa 288.000 KM.

Tačka 2. realizirana je putem Ugovora s Vijećem mladih Federacije BiH.

Tačka 3. realizirana je potpisivanje Ugovora o strateškoj saradnji sa Vijećem mladih Federacije BiH.

Tačka 4. realizirana je putem javnog poziva i 8 udruženja su dobila podršku, ukupni dodijeljeni iznos sredstava je 39.880 KM.

Ukupno je dodijeljeno 397.880 KM, stepen realizacije je 99,47%, ostalo je ne dodijeljenih sredstava 2.120 KM ili 0,53 %.

Sektor za mlade radio je nadzor nad namjenskim utroškom sredstava za sva dodijeljena sredstva i konstatira da su:

1. **Povrat sredstava:** Tokom pravljanja sredstava dva udruženja su vratila kompletan iznos od po 2.000,00 KM. (ukupno 4.000 KM) a tri udruženja su vratila dio sredstava u ukupnom iznosu od 2.137,50 KM..
2. **Pravdanje namjenskog utroška sredstava:** Od 73 udruženja koja su dostavila izvještaje o namjenskom utrošku sredstava, njih 62 su uredno opravdala sredstva dok tri nisu opravdala sredstva a 7 ih je u procesu pravljanja sredstava, (tj. nisu još dostavila izvještaj od čega su 5 udruženja još uvijek u roku za pravljanje sredstava.) U toku nadzora nad namjenskim utroškom sredstava Sektor za mlade poslao je ukupno sedam opomena za raskid ugovora radi neblagovremene dostave dokumentacije za pravljanje namjenskog utroška sredstava. Niti s jednim korisnikom nije raskinut ugovor niti su predmeti slati Pravobranilaštvu FBiH na dalje postupanje.
3. **Dostava namjenskog utroška u roku i van roka:** 63 udruženja su dostavila izvještaj u roku definisanom u ugovoru za pravljanje sredstava, 5 udruženja su izvještaje dostavili van roka. Shodno ugovorima i dinamikom uplata 5 udruženja izvještaj trebaju da dostave u toku 2024.godine.
4. **Obilazak korisnika u cilju kontrole namjenskog utroška sredstava:** Izvršena je posjeta četiri udruženja u svrhu Akcionog plan obilaska korisnika u cilju kontrole namjenskog utroška sredstava za projekte u 2023. godini a to su:
 - a) Udruga "Školarac" Mostar posjeta izvršena 22.12.2023.godine,
 - b) Udruženje Vijeće mladih Federacije Bosne i Hercegovine posjeta izvršena 27.12.2023.godine,
 - c) Udruga "Volim Vitez", Vitez posjeta izvršena 28.12.2023.godine,
 - d) Udruga Kraljice Katarine u Bosni i Hercegovini, Kreševo posjeta izvršena 28.12.2023.godine.Sva četiri korisnika su namjeski utrošili dodijeljena sredstva.

Zaključak:

Na osnovu analize podržanih projekata može se zaključiti da su projekti usmjereni na postizanju strateškog cilja i da su u okviru planiranih aktivnosti. U narednom periodu, potrebno je dodatno prilagoditi kriterije i njihovom analitičkom razradom osigurati da dodijeljena sredstva ostvaruju veći efekat u realizaciji strateškog cilja. Posebno, nakon usvajanja Strategije za mlade Federacije BiH, prilagoditi finansijsku podršku projektima koji su dio mjera za realizaciju akcionog plana Strategije.

Kontinuirno unaprijeđivati nadzor nad realizovanim projektima i namjenskim utroškom sredstava koji se odvija unutar Sektora za mlade, kako bi se mogao pratiti i ocjeniti učinak svakog podržanog projekta i ukupni doprinos u ostvarivanju ciljeva.

Sektor bi trebao nastaviti voditi evidenciju vremenskog perioda realizacije projekta i prisustvovati značajnom broju istih te pratiti njihovu vidljivost u javnosti.

Posjeta četiri udruženja u svrhu provjere namjenskog trošenja dodijeljenih sredstava za projekte u 2023. godini pokazala je da su sva četiri udruženja ispravno utrošila dodijeljena sredstva.

Ova provjera pokazala je odgovornost udruženja u korištenju finansijskih sredstava namijenjenih za projekte podržane iz Transfera za mlade. Potrebno proširiti opseg posjeta na širi spektar udruženja kako bi se osiguralo da se praksa transparentnog i odgovornog korištenja sredstava primjenjuje na sve korisnike koji ostvare finansijsku podršku. Kontinuirano praćenje provedbe projekata i njihovih finansijskih aspekata kako bi se osiguralo da se sredstva koriste u skladu s namjenom i ciljevima projekta.

S poštovanjem,

Dopis pripremio: Adnan Bektić, stručni suradnik



Dopis odobrio: Adis Salkić, pomoćnik ministra

POMOĆNIK MINISTRICE

Adis Salkić

